



Remiggi a

nol jere masse convint cuant ch'a la veve maridade, nancje tant pe so presince o pe figure fisiche, parcè che Armide e jere un toc di femine ch'a faseve voltâ ducj i mascjos cuant ch'a passave denant de ostarie la domenie lant a messe; cun chel pas di bersalîr, il pet in fûr e il cuel de cjamese ch'al platave pôc e nuie, un daûr che diu nus vuardi, tant che une cjavale di siele, ch'al brusave di calôr sot lis cjaladis masculinis ch'a si incrosavin propri li. Il caratarut, chel sî, al nol jere di chei plui facii; une zovine sclete, fuarte, si pues dî comandine, e al jere propri ce ch'a no i leve jù a Remiggi. Lui, ancje lui, un biel zovin ben metût cul fisic, tant ch'a lu vevin clamât sot te artiliarie di montagne, a si jere inacuarzût dulinvie il morosâ di jessi un grum plui debil di jê di caratar; in sumis, a no i leve jù di sbassâ simpri il cjâf e dâi reson a jê, soledut jenfri i amiis. Ma vignûts al duncje, a no si jere sintût di çoncjâ dut e molâle par simpri daspò vê morosât par cuatri agns, cun tante sodisfazion corporâl di une bande e di chê altre e a la fin, rassegnât, a la veve maridade.

Il leam coniugâl,

daspò tancj agns di morosâ ben vivûts, a nol mostrave crepis di sorte de bande dal jet, là che invezit il rapuart al scomençave a rusinîsi e fâ viodi plui di cualchi criche e jere la paronance de famee, e Armide, lant daûr dal so caratar, e veve cjapât a colp in man il baston dal comant. A lui a no i leve jù, e cussì

Remigji al cirive ogni ocasion par stâ vie di cjase, e no i restave dificil, jessint che di mistîr al faseve il cjaradôr puartant rudine da gjave fintremai ai cantîrs dulintor, e a i tocjave plui di cualchi volte di passâ fûr la gnot. Un lavôr di faturis ch'a ti faseve tirâ fûr juste di vivi, vanzant pôc e nuie; no di fâ miserie ben si intint, ma nancje di straçâ. Par chest Armide, ch'a tignive il scansel dai bêçs, a no lu veve lassât riscjâ cuant che lui al voleve comprâsi un camionut e lassâ i cjavai te stale.

Jenfri un

ripic e chel altri e rivà chê domenie disgraciade, cuant che Remigji ch'a si jere notât par un radun di alpîns tal Trentin, al partì di buinore cui siei amîs cun la coriere cjariade di salams, formadi, une damigjane di vin e ogni altri ben di diu. Ogni tape e jere buine par meti alc sot i dincj e dai une bagnade al bec, cence contâ che daspò la sfilade a vevin metût sù une tende ta un zardin di Trent, e li i tais a jerin diventâts litris, tant che ae sere a vevin netât su dut ce ch'a vevin puartât vie. Ven a stai che al moment di tornâ indaûr a jerin ducj plens tant che il Tiliment in plene.

Armide e

veve cenât di bessole cun la radio piade su le stazion di Cjaudistrie ch'a mandave cjançons di Giorgio Consolini, cuant che dibot un acut di "Mamma" al ven çoncjât di un comunicât urgjent, chei che cumò a ju clamin *Breaking News*:

Interrompiamo le trasmissioni per darvi conto di un grave incidente stradale avvenuto nel trentino dove un pullman di partecipanti al raduno degli alpini, uscendo di strada in curva è precipitato in un burrone. Tutti i venti passeggeri, compreso il conducente, sono purtroppo periti; sono in corso di accertamento le cause dell'incidente".

"A diu jo, a

diu jo, puare me, cemût fasio cumò cence il gno Remigji..." a ciulave Armide tal mieç dal curtîl, cjatant un tichinin di confuart dome cuant che un curtilant al vignî fûr cun le ultime gnove:

“E disin che

la SGEA, la societât de coriere, e vedi di scugnî ripaiâ lis fameis des vitimis par vie che l'autist al moment dal incident al jere cjoc in bale. “Po ben” e pensâ Armide rinfrancjade dibot, “ te disgracie...il Parieterni a nol mande mai un mâl cence tornâti indaûr alc di ben”. Lant a durmî te sere, si ere une vore pintude di chel pinsîr e i domandâ pardon al puar Remigji. La dì dopo

viers misdi e sintì sunâ il campanel de puarte e vierzintle viodè comparî Remigji san e self; pe grande sorprese e jere stade dome buine di dî:

”

Ma...ma no jeristu su la coriere..” “ Sì ” i rispuindè lui,

” ma dome fintremai al autogrill ch’a sin fermâts a fâ l’aghe, daspò, tant ch’o eri in bagn, lôr te confusion a son tornâts a partî cence di me.”

” Cjo

mo, ve ca, cuant ch’al è di cjapâ un franc a tu sês simpri a cagâ” e je stade buine di dî te grande sorprese e delusion.

Valis a capî

lis feminis!

di Bepo Zefon